

Mladi u Bosni i Hercegovini svakodnevno imaju veliki broj izazova. Statistike pokazuju dramatične brojke o nezaposlenim mladima, mladima koji napuštaju zemlju, porast broja mladih sa problemima sa zakonom, povećano vršenje nasilje i drugo je poziv da svaka zajednica u Bosni i Hercegovini ozbiljno i planski pristupi svim pitanjima mladih.

Brčko distrikt Bosne i Hercegovine radi na izradi i usvajanju svog zakona o mladima od 2003. i ni 13 godina poslije mladi nisu dobili svoj zakon. Organizacije koje rade s mladima i za mlade nemaju poseban zakon na osnovu kojeg trebaju voditi svoj rad s mladima, nemaju načine za jasno organiziranje mladih, omladinski centar bez zakona ne funkcionira po konkretnim principima, rad s mladima nema osnove, kvalitetu, Brčko distrikt BiH nema krovno tijelo za mlade niti prilike da surađuje sa Omladinskim savjetom RS i Vijećem mladih FBiH, organizacije civilnog društva mogući za grantove i partnerstva, itd.

Nakon današnje vijesti da Vlada Brčko distrikta BiH nije razmatrala prijedlog zakona o mladima PRONI Centar izrađava posebno aljenje jer mladima smo ponovo poslali lošu poruku, a i inicijativa, projekata, aktivnosti na ovom polju je ponovo stavljeno pod znak pitanja.

Postavljamo pitanje kakvu poruku kao zajednica aljemo ovakvim ponašanjem prema mladima kada u istom periodu njihovi vršnjaci bivaju pozvani na dijalog sa vlastima u Republici Srpskoj i Federaciji Bosne i Hercegovine. Mladi Brčko distrikta BiH svakodnevno rade, volontiraju i aktivni su, a mi kao zajednica nismo u stanju duže od decenije, kvalitetno raditi na usvajanju jedinog dokumenta koji definira njihovo organiziranje i rad s mladima u najširem smislu.

Napominjemo da je upravo PRONI Centar u nekoliko navrata poticao lokalnu vlast da je ovo pitanje od iznimne važnosti za razvoj zajednice i rada s mladima, te da smo prije desetak godina u ovom sektoru prednjačili kao zajednica.

Danas entitetska ministarstva, Europski centar znanja za omladinsku politiku, druge organizacije i zajednice koriste upravo iskustva PRONI Centra sa partnerima pri kreiranju strateških dokumenata za mlade dok Brčko distrikt BiH ponovno ostaje bez zakona.

Federacije BiH ima Zakon o mladima od 2010, a Republika Srpska Zakon o omladinskom organizovanju od 2004. Oba zakona do sada su donijela više strukturnih korist institucijama ali prije svega mladima u oba entiteta.

Vezani tekst: [Međunarodni dan mladih](aktuelnosti/596-proni-sa-mladima-365-dana-u-godini.html)